

皇明通紀法傳全錄

皇明通紀法傳全錄卷二十五

東莞 陳 建 輯 西湖 高汝栻 閱

高鼎煒 校

孝宗敬皇帝紀

帝純皇帝長子純地生于西宮 妃少乳太監張敏以粉餌哺之誤視惟謹後

尊奉太子薨內宮漸傳西宮有皇子六歲矣

貴妃驚而召人耶德因立為太子憲宗崩即位在位

十八年平三十六歲乙丑五月初七日崩于乾清宮

上徽號曰道天明道誠純中正聖文純武至仁大德

敬皇帝廟號

孝宗葬太陵

五人題冠

戊申弘治元年 正月 擢左庶子劉健為禮部右侍郎

兼翰林學士入內閣參預機務 懷河南洛陽人○召廷

樞遠東左副都御史馬文升為左都御史 召南京刑

部明法學士 卷三十五 敬皇帝

部尚書何喬新爲刑部尚書○二月上耕籍田禮畢宴羣臣時教坊司以雜劇承應或出狎語馬文升厲色曰新天子當知稼穡艱難豈宜以此資取宸聽耶卽斥去之二御史以糾劾下獄又升謂卽位之初不宜輒罪言官于是得釋時論停之○十二月初開經筵賜諸官學士程敏政等宴及白金寶鈔十三日文華後殿蚤進講尚書孟子及午進講大學衍義自後以爲常禮畢賜茶上皆呼先生而不名○三月上視太學謁先師○勅脩憲宗皇帝實錄○南京吏部主事儲繼上疏薦舉諸籍遺才先是中書舍人丁璉主事張吉王純

謝惠

讓老樞河
南公卿在
馬軍橋西
後錄職延
光開封人
印縣為位
哭真固主
祠廟旁祀
之

進士於元李文祥並以言事得罪遠謫。惟惜其才。上言五人者。既以直言殉國。必不變節辱身。今皆棄之。夷嶺海之間。毒霧瘴氛。與成爲伍。情實可憫。乞取而置之風。輒論思之地。則言論風采。必有可觀。與其旋求。諫之士。不若先用已試之人。上以付吏部起用之。

加贈前少保兵部尚書于謙。特進光祿大夫。在國太傅。謹肅愍。建祠墓。所賜額曰。旌功。命有司春秋致祭。時給事中孫雷等言。謙功在社稷。宜賜贈。益廟祀。從之。○火唐事楊守陳。請勤講學。聽政。疏上。褒納之。○吏部尚書王恕議。保治奏狀言。陛下日御便殿。宣召諸大臣。

王瑞叙之
言正與楊
文楚合孝
宗晚年廢
召公卿諸
致假殿皆
二公陳有
以啓之

門後人
吉為劉緒
花以其兩
碑也

與之講論治道謀議政事。或令轉對。或問其章奏。如此
非惟可以識大臣而隨才任事。亦可以啓沃聖心而
進于高明矣。○四月天壽山大風雹。毀瓦傷物。震警陵
寢。上遣官祭告戒諭羣臣脩省。先是太學士萬安尹
直既被劾罷。劉吉應科道言之。乃傾身阿結。昏夜款門
祈免彈劾。建言欲起遷利道。待以不次之位。凡科道為
聖情採納者。悉謂由已。自此人無復有言之者矣。至是
左庶子葉侍讀張昇上疏數吉十罪。宜亟譴斥以應災
異。以回天意。疏上。御史魏璋等。阿吉意。交章劾昇。指為
輕薄小人。左遷昇南京工部員外郎。○建御史湯

衆民新書
 戴虎豹無
 事行步若
 不厭其難
 處在衆鳥
 之間若斯
 疎焉此起
 入制吳之
 道無難風
 節自預然
 殊露大通
 蘇子此道

青州知州劉黶下獄。黶爲人抗爽，喜爲大言，以風節自負。先是以印馬詣內閣，會勅萬安、劉吉尹直，謂曰：「近日詔書裏面不欲開言路。」輩扶持言官增之耳。黶即以其語劾奏之，謂其不當稱裏面，且歸過於君，非人臣之義。數日，司禮監宣黶入傳旨，以疏已留中。黶大言：「疏不出時，併劾諸中官。」諸中官稍懼，黶益肆志，自負多，以草疏示人。已而安直皆免，黶與李文祥等日夜酣呼，以爲君子。進小人退，雖劉吉尚在，不足忌也。一時直聲震天下。吉使門客徐鵬陷御史魏璋，以利使伺黶。鵬家青州，知州劉黶與書言：「嘗憂一人，半牛陷澤中，鵬手提牛角。」

如等事不
但力排左
道于義甚
正而極清
有創之思
固係甚大
從信不說
何也

引之而上蓋人牽牛象國姓此國勢瀕危賴得後安
之兆也因餽白金為壽得大喜出書示客璋以此劾之
謂其妖言誹謗遂捕得及渠下錦衣衛獄○六月連虜
犯大同宣府詔鎮守等官各陳所見○僧繼曉伏誅先
林俊張吉丁謂等五人極斥其罪惡曉亦自知罪不容
誅乞歸養母并乞空名度牒五百道許之詔命母終仍
出供職至是給事中林廷玉追論姦僧繼曉不惡貫盈
先年雖以發回為民然盜竊賞資家資鉅萬日擁美姬
以自娛漏網故鄉優游自在非所以昭典法而示鑒戒
也主納其言遣錦衣衛往捕之時繼曉在湖廣猶作

議從祀孔廟一

勢薰人左布政使黃綏曰繼曉以妖術故不離上左右今且得罪避出名掃墓實逸賊乃撤武昌府館之後堂好飲食之無令得出入俄錦衣衛官至檻送京師伏誅○七月二十日文華後殿講書畢上賜講臣程敏政等各緞金緋衣金帶及紗帽烏靴皆叩頭謝訖上顧謂曰先生辛苦咸對曰此皆臣分當爲頓首而退敏政有詩以記其盛○八月詔考正孔廟從祀名位禮科給事中張九功奏言苟況馬融王弼皆在所當黜今之儒臣禮部侍郎薛瑄在所當入侍講學士程敏政言戴聖身陷賊吏劉向喜談神仙馬融爲梁冀草詔殺李固

何休解春秋，黜周王，魯王弼，何晏倡爲清談，王肅佐，向
馬昭，纂魏，杜預爲吏，不廉，爲將，不義，得罪名教，皆宜黜。
祀顏子、曾子、子思，配享于殿，而父在兩廡，非所以明倫。
宜別立啓聖一祠，祀叔梁紇，而以顏無繇、曾皙、孔鯉及
孟孫氏配享祭酒，謝鐸則謂吳澄出處不正，當黜，俱詔
延臣議之。學士吳寬言：從祀苟有益于經傳，則馬融、楊
雄皆皆不廢。侍郎倪岳亦言：馬融、王弼之徒，其立身不
無可貶，然秦漢以來，六經出煨燼，賴諸子抱遺經，專門
講授，經以復存。自唐之註疏多祖其言，今之經傳引用
尙多其說，何可盡廢？于是從祀，咸仍其舊云。○虜祀禿

猛可可汗死阿歹立伯顏猛可爲可汗。○七月陞江
西按察使許進爲僉都御史巡撫大同。成化間北虜
大抵瓦剌爲強小王于次之二種反復相殘並陰結朵
顏伺我塞下卽貢馬二種亦相繼往來恐中國左右以
故雖深入彼自相猜忌不能久留內地未幾滿都魯衰
弱不知所終而把秃猛可王太師亦思馬因知院脫羅
千屢遣人貢馬弘治初把秃猛可死阿歹立其弟伯顏
猛可爲王虜中以太師官至尊王切恐太師專權遂不
復設太師伯顏猛可及其酋長與瓦剌酋亦遣人貢馬
時馬文昇在兵部許進巡撫大同進數條邊事戎政脩

明中朝大臣知進進疏至輒允下進嘗貽書小王子言
通貢之利小王子瓦剌二種間進威名遣其酋長哈爾
察察少保等貢馬三年三貢每貢多至三千人少不下
二千皆猶兒庄人比至塞皆下馬脫弓矢入館進亦嚴
兵待之諸虜留塞外者亦時與酒肉華人盜虜馬請斬
猶大同宣府河曲皆無虜患○權湖廣按察使楊繼宗
爲左僉都御史巡撫雲南

繼宗山西陽城人憲綱振肅權貴飲跡星奕上疏言
皆切直爲人奸善惡惡出于天性與人不苟合人皆
憚其方嚴居官三十餘年其剛直廉
介之操顯於人焉子普知其名云

以都指揮王欽梁宏爲都督僉事旣而罷之武選郎

中陸容上疏極論故也容著述甚富有式齋稿菽園雜記等行世士林重之○冬禮部尚書周洪謨致仕卒謚文安洪謨在禮部嘗言昔蔡氏傳璚璣玉衡非是以故占步不合乞更定又西番烏斯藏者合諸族入貢徵賞諭舊額歲益至三四千人河西諸番復詭烏斯藏族益不可詰謨請視海中島夷例給與符二十道每貢書貢使名及貢物符上識以舊賜金印至關驗納否則斥去成化末月當食不食衆議宜賀謨言隆盛故不可賀竟不賀至是以疾卒○召南京兵部尚書耿裕爲禮部尚書裕河南廬氏人前南京刑部尚書耿九疇之子○

擢兵部郎中陸容爲浙江右叅政先是太監李良典御
廠爲都指揮王欽梁宏乞陞都督僉事得之容上書極
論都督武官之極品體勢甚重不宜授無功及非人而
良等招權市恩當正典刑疏兩上竟奪其新命士論壯
之容崑山人弱冠卽有志經濟肆力經史凡典禮兵刑
漕運水利之類莫不通究曉晰時邊報旁午章奏日或
三四上凡虜情虛實地理險易兵力分合皆犖然具中
肯綮事下三邊邊人驚服至諫征安南沮大監李良乞
陞數事尤偉改武選郎中值上登極上疏論八事曰
儲養台輔教導勲戚愛惜人才久任巡撫經理武衛選

子俊神青
人博大有
才畧宏袍
利斷不徇
世耳目以
泥事功

練禁兵均平鈔法慎重會議言多懇切時劉吉柄國疑
容侵官將陰中之尙書余子俊爲言于吏部得出爲叅
政容蒞浙江尤有聲旣而竟以考察去位聞者大駭
已酉弘治二年二月太子太保兵部尙書余子俊卒
贈太保謚肅敏子俊嘗語人曰人臣事君當隨事盡力
卽近且小亦須爲百年之計又曰大臣謀國遇有大利
害當以身任之慎勿養交市恩爲遠愆自全之地亦名
言云○謫兵部主事李文祥爲貴州興隆衛經歷先是
文祥旣出爲咸寧丞王恕重其才尋奏召還授兵部主
事居十餘日中書舍人吉人以言事下獄乃有媒孽文

大升國賢
者也豈亦
獨刻吉意
耶何以當
時不為平
反也

祥前妄議朝政者於是亦被逮成獄降邊衛經歷未幾
進表南還。至商河城曲河水陷溺。成時年三十。
謫御史湯鶴知州。刺槩戍甘肅。先是槩等既下獄。而文
升掌都察院。以鶴受槩德遺。誹謗朝政。問克軍。槩以被
造妖言者。律罪死。時言官畏內閣威權。無一人敢為槩
等申白者。惟王恕上疏救之。劉吉累旨不從。竟發克軍。
貶庶吉士。鄒智為廣東石城千戶所吏目。先是。上幸
大寶。明日朝。用御史二人侍班。糾儀。湯鶴輪侍。庶吉士
鄒智私造其第。告曰。祖宗盛時。御史糾儀。得面陳時務。
得失言下。取旨。近年遇事。惟退而具本。此君臣情分所

由間隔不通也。公以言奏對，幸值大政維新之日，請敘盛時故事，此太平機會也。至丁未冬，星變，智抗章言事，極論陰陽之理，至欲黜萬安、劉吉、尹直，而用王紘、王恕、彭韶。且曰：君子所以不進，小人所以不退，大抵宦官有以陰主之也。疏入，不報。會已酉，言事者誣知州劉槃、御史湯鵬妄言朝政，嫉智者因疏智名，下錦衣獄。智身親三木，僅餘殘喘，神色自若，無所屈撓。供詞畧云：智與今湯鵬等來往相會，或論經筵不宜以大寒大暑輟講，或論午朝不宜以一事兩事悉責，或論紀綱廢弛，或論風俗浮沉，或論生民憔悴，無賑濟之策，或論邊境空虛，無

儲蓄之具。議者欲處以死刑。部侍郎彭韶辭疾。不爲判。
案獲免。左遷廣東石城吏目。毅然就道。衣結屨穿幾不。
能存。親識饋遺堅却不受。其寫懷詩有曰。人到白頭終。
是盡事。垂青史。定誰真。夢中不識身猶繁。又逐東風入。
紫宸。辭朝詩有曰。盡披肝胆知何日。望見衣裳只此時。
但願生平無一事。孤臣萬死更何悲。其慷慨忠愛之意。
溢於言表。

智字汝思。四川人。家貧。讀書龍卷。燒葉代燈。年十九。
發解。鄉人擠推爭看。智乃口占一絕云。龍卷山上舊。
青生。偶被三巴第一名。天下許多難了事。鄉人何用。
大橫。驚未幾。登第。選庶吉士。既以言事謫吏目。至任。
視事。甫兩月。發政。悉舉。總督秦紘檄遣董脩。並書。
得居廣城。與陳白沙遊。四年。暴疾卒。年二十六。

詞統甚得
縱橫之味
亦不失其
神也

○土魯恭殺忠順王罕順復據哈密是時阿黑麻強言
罕慎非脫脫族安得王吟密哈密我當王欲殺罕慎畏
未敢發乃好語語罕慎曰吾爲若聯姻若爲王益安無
外侮罕慎喜許阿黑麻阿黑麻至哈密誘罕慎頂經結
盟遂殺罕慎○大理寺評事夏鍔上疏曰臣伏見主事
李文祥廢吉士鄒智等皆以言得罪夫言官無流竄之
禍則不足以彰其譽有謫徙之名則愈足以見其非罪
愈重而名愈高是言者之得罪雖今日之苦亦後時之
利但非人主之福耳人主者知此之故轉而容之則言
者無其禍亦無其名罪愈輕而名愈鮮而名固歸于人

上初即位
有言焉
大臣必以
王親為首
險必以
為安及言
為官斥

主之一身矣。疏奏留中。○以左都御史馬文升為兵部
尚書。召提督兩廣軍務右都御史屠濬回掌院事。○調
南京給事中周紘為南京光祿寺署丞。御史張昂為南
京通政司知事。先是紘等奉命南京教場點軍數。少不
准破調守備官奏其刀。證劉吉票旨調其外任。王恕執
奏結。得奉命點軍不宜調吉。不聽。恕復奏言不治失在
者之罪。反責點操之官。何以使人。吉猶不從。科道交奏
以為老臣言宜聽。紘昂乃得改京職。吉當國專政。與起
內外不合。忽有所行。吉必從中沮之。恕憤言沮抑。要疏
求退。惟以懷恩在內。知恕之賢。吉雖嫉恕。亦不敢加害。

云○西域撒馬兒罕遣使進獅、夷人所過橫爲侵擾、禮
科給事中韓鼎上言、宜罷遣之時、上不置妃嬪、繼體
未立、號復言、古者天子一娶十二女、以廣儲嗣、今舍是
弗圖、乃徒建設齋醮、將以徵福于神、不已惑乎、上嘉
納之○六月、京城及通州等處大雨、水溢、軍民房屋傾
倒、人畜漂溺、死者甚衆、詔審錄獄囚、百官各陳政事、關
失○時皇莊厲民、戶部郎中周軫言、天子藏富于民、
皇亦有莊、顧示以小非稱、宜與民否則宜革管莊如例
畝限三分、責民入租、有司解部以進、疏入留中○十月
吏部右侍郎楊守陳卒、謚文懿、守陳浙江鄞縣人、性恬

淡居官十有六年泊然自處未嘗求進權幸有重其賢
欲授之者使所親喻意守陳謝却之私謂其人曰吾猶
髮婦也守節三十年今老矣豈白首而改節耶嘗被命
教內監教成多去爲近侍與守陳同事者率因之取寵
貴而守陳獨無所資藉士論多之○七月陞孔鏞爲田
州知府是時嗣僚舍卒犯城鏞蒞任纔三日郡兵先已
朝發衆議閉門守鏞曰孤城中虛能支幾日乎祇應諭
以朝廷恩威庶自解耳皆難之謂孔太守書生迂談
耳鏞曰然則束手伺盡乎衆曰卽爾誰當往鏞曰此吾
戚也吾當獨行衆猶諫沮公卽命騎令開門去衆請從

置此生于
廣外便可
却往要以
立談之間
使強梗難
化之發使
明于大義
而深不敢
侮犯金其
才識足以
濟其忠義

以上兵鑄咲却之衆乃乘城向賊啓門賊以爲出戰門
啓鑄乘一馬以二夫控絃門隨後閉賊遽馬問故鑄曰
我新太守也當至爾嗣寨有所言爾當導我賊巨測姑
導以行遂入林箐行間顧從夫已逸其一旣達賊地又
逸一矣賊控馬入山林夾道冒裸人于樹者彌望見鑄
呼呼求救鑄問何人乃庠序士也前期赴郡爲賊遺去
不從賊將殺之耳不顧徑入嗣賊露刃出迎旁亦夾擁
如林至巢穴下馬立其廬中顧賊曰我乃爾父母官何
以座來爾等來參見賊取榻置于中鑄座呼衆前衆不
覺相顧而進衆酋問鑄爲誰鑄曰孔太守也賊曰豈聖

委問過于
子儀

人兒孫耶。曰。然。賊皆羅拜。曰。我固知若曹本良民。迫于
凍餒。聚此。苟免救死耳。前官不知此。勸以兵相加。欲勒
絕汝。我今奉朝廷命來。作汝父母官。視汝猶子孫。不忍
便殺害。汝若信能從我。當宥汝罪。可送我歸府。我以穀
帛資汝。爾後無為劫掠事。若不從。可殺我。後有官軍來
問罪。汝當之矣。衆錯愕。爭曰。誠如公言。公誠能相恤。請
公終任。不復擾犯。曰。然。我一語已定。何必多疑。衆復拜。
繡曰。我餓矣。可以食來。衆殺牛羊。為交飯以進。繡飽。嘆
之。賊皆驚服。日暮。公曰。晚矣。我不及入城。可卽此宿。賊
除治中廬。設床褥。徐寢。賊羅寢侍衛。明日。賊復進食。曰。

我尚倦行。且止此。又宿。至明日曰。吾今歸矣。爾等能從
往取粟帛乎。賊曰。然。控馬送出林間。繡顧曰。此秀才。好
人。汝既効順。可什之。與吾同返。賊卽解縛。還其巾裾。諸
生競奔去。按轡出。岫數十賊騎而隨。薄暮及城。命呼城
中。城中吏登城見之。驚曰。必太守畏死。叛而降之。導來
陷城矣。爭問故。繡曰。第開門。吾有處分。衆益疑拒。繡咲
語賊。爾等勿入城。吾當自入。乃出犒汝。賊少却。城開。繡
入。復開門。取粟帛。從城上投與之。賊取而去。終孔之任。
不敢復出。

後世廣東憲副凡寫辭文牒胥吏皆長桌列案前不
使潛皆作奸東日被捶健粟木與後皆不能續錄
皇明去事錄

軍家衛兵
之與民兵
此舉似得
寓兵于農
之意

選之精練
之勤其可
幸厚于京

南憲長在起按之前肆議極謀撫掌大笑意抱謂
廷按督責其放曠竟至相爭大憲而出轉貴州巡撫
沐國公有事犯律以金五千兩遺之不受前廣東同
其弟載英石丈餘穿透峭壁宛然飛動其價可百金
過梅嶺登舟既莫矣見之怒伴僕謀推墮于水在水
清朕可拘莫不有臨淵美魚之意云大都鑄以忠信
自勵事英憲孝三廟皆處外任
所至官防褒然亦一時之名臣也

令州縣選民壯先是天順初令招募民壯鞍馬器械悉
從官給本戶有糧與免五石仍免戶丁二丁以資供給
如有事故不許勾丁至是令州縣選取年二十以上五
十以下精壯之人州縣七八百里者每里食二名五百
里者每里食三名三百里者每里四名一百里以上者
每里五名春夏秋每月操二次至冬操三次遇警調

新文選

集官給行糧其餘照天順元年例

庚戌弘治三年○春封后父張樹爲寧壽伯尋進封侯
○會試天下舉人命大學士徐溥少詹事汪諧爲考試
官取錢福等三百人廷試賜錢福劉存業靳貴等進士
及第出身有差○復官員給由例先是成化甲辰令被
災所在任滿官員納米賑濟免其赴部至是王恕等會
題言各官廩祿有限而雜取之俸尤微苟非取于公必
至制于下貪情之風由茲而起功課之法廢格不行甚
非政體今後考滿者俱令給由赴部照例考覈從之○
夏河次原武支流爲三其二以封丘金龍日漫于祥符

河之為患自古有之然有沒而基有疏而疏之說勝

增增汴堤大堤其下流諸河故商省之民城宣之說

長垣下曹濮衝郭秋長堤一出中牟下尉氏一汜溢于蘭陽儀封考城歸德以至于宿瀾漫四出不由故道民溺死者衆議者奏還河南藩省于他所以避其害左布政使徐恪條陳其不可乃止命戶部侍郎白昂往治之昂復舉南京兵部郎中婁性協治乃蔡陽武長堤以防張秋引中牟之決以入淮浚宿州古汴河以達泗自小河西抵歸德飲馬池中經符離橋一帶皆浚而深廣之又疏月河十餘以殺其勢塞決口三十六由是河入汴汴入濰濰入泗泗入淮以達于海水患稍息昂又以河南入淮非正道恐不能容乃復自魚臺歷德州至吳橋

三亦明
矣

其偽荒之
良法

脩古河堤又自東平北至興濟鑿小河十二道引水入
大清河及古黃河以入海河口各作石堰相水盈縮以
時啟閉焉○定廣積倉糧命有司每十里以上務要積
糧一萬五千石三年一次查盤有司少三分者罰俸半
年少五分者罰俸一年少六分以上者九年考滿降用
○沙狐狸來歸授金吾衛千戶沙狐狸衛士也上皇
陷虜時在侍上皇之食狸以缺御膳告也先也先不
曉何等語問譯者譯者曰中國惟皇帝飲食稱爲御膳
也先嚙指稱羨以我中華君臣雖在蒙塵禮猶如此乃
與六羊令致行在蓋又以湖狸之強弱智愚狸卽裂其

衣襟絲帶爲長條二、各繫三竿、擔着兩肩而行也。先已異之、潛令人覘狸行數里、始至。上前叩頭復命、置竿、復出數里外、取水返、又出數里外、取薪藁、每往返皆復命如初也。先益奇之、召問其姓名、及有無事任。狸告之。又問汝解後至此耶、亦隨駕至者耶。狸曰、偶隨來耳。又問中國如爾比者幾、曰、十萬勝我者若干、更勝而至精者又若干也。先曰、然則向何不以爾輩來迎駕耶。曰、先是往征東南某國、未旋耳。回卽來此矣。也。先聞言心頗動、及駕旋、狐狸不及從、畝虜中、虜授以士卒爲頭目、浸用事、權力已雄、納婦生子、爲富貴大族、亦時奉虜命、帥

部曲至桑顏三衛市馬。如是殆四十年。弘治初又來訪得其子。因密語之。令輸情於朝。期以明年復至。當遂歸。明年朝廷多益兵衛之。其子以聞。上深憫允之。如期至。見我軍。知子已喻意。徑揮屬南趨。暨胡婦胡兒一家悉至。所携輜重甚富。至京見上。上恐其詐。命所司詳驗。時諸司上下莫有識之者。不敢決。狸曰。是固有証。先帝嘗頒賜我一綉囊。且曰。此固娘娘手製也。今囊固在。乞賜娘娘驗之所。司取以進。太皇太后覽曰。此真老爺爺物也。上乃授以衛千戶。賜宅一區。

辛亥弘治四年

春刑部尚書何喬新致仕。喬新執法

被魯賈商
戎爲仇敵
其目以
亦事歸
白盡入其
家奪得而
死天道好
還如此

不阿有御史鄒魯謀躡陞大理寺丞喬新薦其屬郎中
魏紳補之魯遂誣奏喬新受親故餽囑托內閣劉吉
素銜喬新遂下錦衣衛鞠訊無驗喬新乃乞致仕南歸
○擢吏部左侍郎彭韶爲刑部尚書○兩廣總兵官安
遠侯柳景有罪下獄奪爵總督兩廣右都御史秦紱亦
下獄坐免景在鎮貪暴不法紱具列其狀劾之逮景下
獄抵法追贓鉅萬視其爵景求援于戚皖壽寧侯爲內
援冀減其贓且遮他事誣紱以圖報復由是紱亦被逮
坐免○八月修 憲宗皇帝實錄

前代脩史左史記言右史記動宮中有起居注如晉
蓋狐齊南史皆以承守職司馬遷班固皆世史官故

通鑑與文親見 朝廷言勸而書之後世如親見當
時之事 朝史官 近地頭 實遠在殿下 成化以
來 君臣不接 朝事亦無可紀 凡脩史 取諸司前後奏
牘 分爲吏戶禮兵刑工 爲十館 事繁者爲二館 以年
月編次 雜合而成 副總裁則削之 內閣大臣總裁潤
色 三品以上 乃得立傳 亦止出身遷擢而已 間有褒
貶 亦未必盡公 後
世將何取信乎

九月大學士劉吉罷時 上欲封 張皇后弟伯爵命

吉撰誥券 吉言必盡封 周王二太后家子弟乃可封

實欲稽遲以候賄 上惡其專使中官至其家勒令致

仕 是月二十四日 皇子厚照生 卽 武宗皇帝也

○十月興 獻王徙封于安陸 命太子太保禮部尚

書江濬兼文淵閣大學士入內閣典機務先是召入閣

者皆自侍郎而下未有以尚書入閣者尚書入閣自清始○擢吏部左侍郎張悅為南京兵部尚書

悅松江華亭人為學力行居官恪慎守法以不欺為本未嘗以恩怨利害動其心性素清約自處條至重任四十餘年終始一節

十二月復起秦紘為南京戶部尚書

紘既免科道交章論救上怒亦極言紘清忠不宜罷遂起用焉紘山東單縣人平生剛毅廉介歷官至大司徒所居僅敝風雨妻孥麥飯菜羹不改其舊及卒家無餘貲子孫有貧乏不能存者

掌錦衣衛事都指揮使朱驥卒

驥初襲衛正千戶少保子謙以女妻之謙構害驥亦坐戍謙寃白驥得還任以兵部薦陞指揮等會事捕盜有功命掌錦衣衛印尋奉敕兼理機密糾察之務為政不苟時有妖人真惠者偽為書以惑眾為逆者所

忠於新職
要莫尚
焉後在性
解體特勞

原康務員
亦以買糧
惟願善始
善終近所
罕有

陝巴安定
王族孫

發株連數十百人當生或驥日首事者得惠耳餘皆
愚民何辜得遷感戎邊有勸來值其降人傳示妖書
者欲發其事驥曰此妄耳取書焚之已制於下錦衣
者所司以巨挺加之驥獨否憲宗嘗命提忤旨者
恒用小杖上怒遣中使詰責驥
具以資對卒不易其寬厚類若此

封皇太后兄王源為瑞安伯弟王清崇善伯王濟安仁
伯○以白昂為左都御史陞權治鄖陽副都御史戴而
為刑部右侍郎

壬子弘治五年春二月封陝巴為忠順王入哈密○
兵部尚書馬文升言哈密有回回畏兀兒哈刺灰三種
共居一城種類不貴不相下北山又有小列禿野也克
力數種強虜時擾哈密必得元遣驛關封理國事庶可

攝服諸番與復哈密不然未得休息乃立定安王族孫
陝巴爲忠順王安定王者本脫脫種落令頭目奄兒孛
剌阿木郎輔陝巴至哈密○五月冊立皇子御名厚
照爲皇太子赦天下○四月大學士丘濬上疏陳時
政之弊大要謂太祖開國洪武建元歲在戊申我

皇上登極改元之歲適與相符天意殆欲陛下紹休
烈祖也邇觀漢唐宋之世自百五六十以後往往中
微政務日趨于弊風俗日趨于薄紀綱日趨于弛由是
馴至于不可振起而底于亡此無他中世繼體之君皆
生于世道豐亨之際官闈逸樂之中不歷險阻不經憂

此說入聖
心益加微
弘治第一
義疏

國樓上日
英明顯達
近習皆結
有以啓之

據其一端
足以立時
致治況備
諸美

患○天○示○變○而○不○知○畏○民○失○所○而○不○知○恤○人○有○言○而○不○知○
信○好○尚○失○其○正○用○度○無○其○節○信○任○非○其○人○因○循○苟○且○而○
無○奮○發○之○志○顛○倒○錯○亂○而○甘○爲○敗○亡○之○歸○故○也○向○使○其○
君○若○臣○當○其○將○微○之○時○灼○然○預○知○其○中○微○之○象○因○上○天○
之○垂○戒○汲○汲○然○反○躬○脩○省○以○祈○天○永○命○其○國○祚○豈○止○于○
此○哉○今○災○異○迭○見○彗○見○天○津○地○震○天○鳴○無○虛○日○異○鳥○三○
鳴○于○禁○中○其○咎○徵○之○應○甚○可○畏○也○宜○稽○弊○政○盡○復○舊○規○
以○應○天○意○願○陛○下○端○身○以○立○本○清○心○以○應○務○謹○好○尚○
勿○流○于○異○端○省○財○費○勿○至○于○耗○國○公○任○用○勿○失○于○偏○聽○
禁○私○謁○以○肅○內○政○明○義○理○以○絕○神○姦○慎○儉○德○以○懷○永○圖○

勤政務以弘至治庶可以回天災消物異帝王之治可
幾也。因擬爲二十二條以爲朝廷抑遏姦言杜塞希
求節財用重名器之助。凡萬餘言。上覽奏甚悅。批答以
爲切時。與命議行之。○夏四月。命巡撫貴州副都御史
鄧延瓚提督軍務。鎮遠侯顧溥爲總兵官。討貴州蠻。時
黑苗久叛。益肆。守臣告急。命廷瓚提督軍務討之。初。撫
不從。始合衆謀。調兵食。決策征勦。兵至其地。號令嚴明。
將校用命。斬首六千。生獲二千。械首惡俘京寇。既平。奏
言都勻清平。舊設二衛所屬九長官司。其人恃祿驕縱。
私惡隲患。致夷人侵地。奪貨。逞慾無厭。已四十餘年。軍

國封功
臣公侯伯
有七十餘
人惟國同
體國典武
定侯有耳

疲于戍守，民困于轉輸，其害不可勝言。今幸黨惡削除，
非大更張，不能爲保境安民之計。條上十一事，下兵部
議行。始設都勻府一、獨山林哈州二、清平縣一、更設流
官與土官兼治。○詔以太廟配享功臣，追封王爵者俱
係輔佐。太祖高皇帝平定天下，大有勲勞之人，今其
子孫有不沾寸祿，與編民無異，量加恩典，俾奉其祀。于
是查取開平王魯孫常復、寧河王玄孫登炳、岐陽王支
孫李璿、東甌王玄孫湯紹宗，赴京俱授南京錦衣衛指
揮，使俾各近其墳墓，以便奉祀。○錄誠意伯劉基九世
孫瑜爲處州衛指揮使，先是景泰中錄基七世孫與顏

孟二氏之後並為翰林五經博士至是給事中吳仕德
言誠意伯乃功臣其後不當為博士乃改是職

嘉靖中以關國元勳子孫立與國同休諱封常關平
之後汝成為懷遠侯李陵陽之後沂為臨淮侯齊寧
侯之後趙坤為定遠侯湯東原之後佑賢為豐登
侯而誠意伯孫瑜亦仍伯爵報功之典念隆盛矣

八月壽寧侯張繼卒追封昌國公尋命其子鶴齡襲封

壽寧侯○令兩淮等塩運司塩引俱于運司招商國中

納銀類解戶部太倉以備邊儲國初以來天下鹽課俱

于各邊開中上納本色米豆商人欲求塩利于近邊轉

運本色以待開中故邊方粟豆無甚貴之時至是戶部

尚書葉淇淮安人鹽商皆其親識因言鹽商赴邊納糧

人以為利
而不知其
害也

是時吏部
惠人言之
及務以多
難為公少
有微瑕即
不免而然
者亦不敢
新

少而有遠涉之虞在運司納銀價多而得易辦之利洪
與內閣徐海同年最厚遂奏准商人引鹽悉輸銀戶部
送太倉銀庫收貯分送各邊鹽銀積至一百萬餘兩商
人赴邊開中之法既廢近邊米豆無人買運價遂騰湧
邊儲自此整理愈難○秋七月河決張秋

癸丑弘治六年○正月大學士丘濬因言子 上曰唐
虞三載考績三考黜陟今有居官未半載而黜者所黜
徒信人言未必皆實此非唐虞之法亦非 祖宗舊制
也 上深然之勅吏部凡歷官未及三載者俱復其任
雖經三考非有貪暴實迹者亦勿黜○二月兵科給事

中吳世忠疏乞推恩典以表忠義謂昔 太宗皇帝登

天靖難當時文臣如方孝孺同是修練子寧鄭璉魏公
免齊秦黃子澄諸人皆仗節以死夫 太宗之靖難者
武王之定天下之大權也孝孺諸人之仗節者夷齊之
志天下之大慮也微大權則天下之民命不立微大慮
則天下之大義不明二者不可廢一也世之說者徒以
諸臣之迹爲疑而不敢言此皆不知 高宗之心帝王
之孝者 太宗嘗謂羣臣曰人君立賢無方練子寧若
在朕固當用之 仁宗卽位之初詔謂齊秦方孝孺等
俱是忠臣其子孫親戚抄沒充軍者悉皆赦回此皆二

聖之所已行者且陛下以祖宗之心爲心褒美諸臣
九廟聞之豈獨生色而已耶事下禮部議格不行
會試天下舉人命太常少卿兼侍讀學士李東陽少詹
事兼侍講學士陸簡爲考試官取汪俊等三百人○三
月廷試賜毛澄徐穆羅欽順等進士及第出身有差○
刑部尙書彭韶罷先是亢旱求言韶陳時政得失乞減
去皇親自國公墳塋工程及乞逮正中官王萌苗通高
永之刑大學士徐溥與韶不協韶乃辭疾乞骸骨歸後
二年卒贈太子少保謚惠安

以右都御史白昂爲刑部尙書○擢浙江左布政使劉

夏右都御史白昂爲刑部尙書○擢浙江左布政使劉

一日內晏
以內閣
聖恩上起
以內閣
不實原札
書下達
有期注

大夏爲右副都御史督治決河先是河復決楊家金龍等口東衝張秋堤命工部侍郎陳政治之政卒乃命大夏○太子太保吏部尚書王恕罷時內閣大學士丘濬以宮保兼禮部尚書班恕下既入直恕尙持其吏部銜且先貴猶踞其上濬意弗善也會考察天下應觀官奏黜而中旨留者九十餘員言官有拾遺疏復持其留而當黜者下吏部恕乃詳據各原考語及所察知者以聞有旨未必實令再訪詳具奏恕自擬有沮之者必濬也自是求去益力上慰留之居無何太醫院院判劉文泰奏恕矯詐強悍妄行選補御醫吏目非故事及

里居日托人作傳大司馬三原王公仙其疏辭不見行
者皆曰不報以彰先帝拒諫之失自此伊州無人臣
禮有旨令恕看詳而奏恕意文泰受之丘濬具疏以
辯乞于午門面究文泰及王使之入遂下文泰錦衣獄
獄具謂文泰嘗謁丘濬語及恕傳濬謂此沽直謗若
也傳若行有豪傑聞之奏上罪當不小文泰自是志動
以語都御史吳楨楨亦爲之潤色其草而授之以上因
請遠恕及濬楨面質上降文泰秩而責恕責直沽名
宥之俾焚其傳罷濬楨不究恕意不能平復上疏辯復
不聽而恕自此屈矣于是懇疏引疾乞休去○改禮部

尚書耿裕爲吏部尚書加太子太保擢禮部左侍郎倪岳爲禮部尚書

九月詔取審修領市竹禮部尚書倪岳疏奏先經科道奏劾將法王領市竹等片革發回原寺中外莫不稱快今欲取米京查元取審僧國師劍必須創始而行事有未便伏覓令行取上從之

命孔彥繩爲翰林世襲五經博士至衢州孔子廟祀彥繩宋衍聖公孔友端嫡孫也友端從宋高宗南渡留居衢州遂以衢爲闕里至是川守臣言按以是職以便奉祀甲寅弘治七年○春正興王之國安陸州上皇弟九

梁承吉嘗
謂其勢津
多為之安
以殺其亂
承可以力
厚也

人 興王岐王益王衡王雍王壽王汝王涇王榮王岐
雍二王後國絕○廵撫山西都御史張敷華奏乞增解
地鹽課以補宗藩歲祿從之時宗室日繁而山西累歲
荒歉祿米多缺故也○夏命太監李興平江伯陳銳協
同都御史劉大夏督治張秋決河先是大夏既受命循
河上下千餘里具察利害乃集河南山東二省守臣議
之大夏曰河性猛急張秋乃下流襟喉未可輒治治于
上流分導南行復築長堤以禦橫波且防大名山東之
患候其循軌而後決可塞也疏上報可工方興而張秋
東堤決奪運河水盡東流由東阿舊壘河以入于海決

口潤至九十餘丈。糧運愆期。時訛言沸騰。謂河不可治。宜復前元海運。或謂陸輓難勞。無虞乃復命與等協治之。○下山東按察副使楊茂仁。獄誦長沙府同知時茂仁。上疏言官多則民擾。治河既委劉大夏。又差李興陳銳。事權分而財力匱。乞將興銳取回。專委大夏。且謂水陰氣也。其應爲宮閭爲夷狄。宜戒飭后戚防禦邊患。疏上。與等切齒之。誣奏茂仁爲妖言。逮繫錦衣衛獄。科道交章論救。乃謫府同知茂仁。楊守陳子也。○兵部侍郎張海都督僉事侯謙經畧哈密。還京下獄。哈密在肅州西北一千五百里。本古之伊吾。唐之伊州。韃靼回回

既無宗廟
可立而以
王母理事
宜乎土特
番侵侮之
也

廣

雜處之國也。其北天山與瓦剌相界，西接火州，為諸胡
要路。永樂初，即其地設哈密衛，封元肅王之裔脫脫為
忠順王，賜金印，令為西域之喉襟，以通諸番之朝貢。脫
脫死，傳其子卜答失理。以及孛羅帖木兒、無嗣王母理
國事。成化九年，上春，番王鎖檀阿力侵哈密，虜王母金
印以去。其衆逃居肅州及嘉峪城。朝廷屢命守臣經
畧，而王母金印竟不可返。十四年，鎖檀阿力死，子阿黑
麻立。十八年，甘肅守臣乘間請封王母外甥都督罕慎
為忠順王。罕慎畏吾兒種也。二十年，遣使入哈密，甘肅
鎮巡而下，皆以典復哈密受賞，以治改元。阿黑麻以罕

再民

比誠服其
之要最不
獨一哈密
七爾也

慎非肅王後乃假結婚而殺之尋遣使人貢求封不許
弘治四年王母已故阿黑麻乃以金印城池來歸會曲
先安化王遣使人貢自稱忠順王裔蓋姦人教之其實
非也五年兵部尚書馬文升誤聽三種頭目舉保遂立
安定王姪陝巴爲忠順王甘肅守臣急欲成功倉卒遣
使送之識者曰夷虜貴種類曲先本西戎安定本韃靼
別部強合爲一又與罕慎異矣土魯番必不心服阿黑
麻聞之果怒六年復虜陝巴及金印以去報至適阿黑
麻先所遣頭目寫亦滿速等四十餘人入貢至京師
上遂命張海侯謙往經略之海等至甘州遣使賫勅諭

阿黑麻順衆歸。朕已久不報海等上疏言遠夷不可加兵來則撫之叛則拒絕之而已。遂得命脩嘉峪關。擄通阿黑麻。黑汗回夷二十餘人奏發其夷戍廣西。海等還上以其無成功下之獄。降海山西。然政議在倖。寫亦滿速兒等四十餘人皆安置關廣間。上命嘉峪關絕不與通。○宜府山西河南盡星隕。

乙卯弘治八年二月。少保大學士丘濬卒。年七十六。贈太傅。左柱國。謚文莊。濬自上登極。進大學衍義補。卽蒙眷注。馴至入閣。尤加倚任。學博覽古。乃于子史無所不通。而尤熟于國家典故。

牛漢長語云文莊議論高奇人所共是必以為非人所共不以為是其論秦檜曰宋家至是亦不得不與和南宋更造檜之力也論范文正則以為生靈輪奐濟時以為亦未必能恢復諸如此類皆與人異云以楊一清為陝西提學副使凡八年大作士類士有傳記諸者脩文辭者專政舉業者所學不一皆誘而進之三邊學多上庸歲必一試雖僻壤不遺也其蒞事愈久愈嚴夏楚之用無虐日十試稟稟守法莫敢左右顧明于知人方進取日或許以將來科第及冠世名世卒如所言故造士五十餘年稍用不盡皆是時稱清為國朝提學之最嘗自謂都人曰吾于陝得三士康海馬理呂柟也後果為聞人

太子太保吏部尚書耿裕卒謚文恪

裕避其父九疇之教世守清修不營產業不治
居第儉約肅然無異寒素表像如神世濟其美

以禮部侍郎李東陽兼侍講學士少詹事謝遷兼侍讀

學士並直文淵閣○張欽隄成化劉大夏爲戶部右侍

郎劉大夏等發丁夫數萬于黃陵湖南浚賈魯河一帶

分殺水勢又浚孫家渡口別開新河一道導水南行由

中牟至潁州東入于淮又浚四府管淤河出陳留縣至

歸德州分爲二派一由宿遷縣小河口一由亳州渦河

會于淮築長隄起河南胙城經滑長垣東明曹軍諸縣

盡徐州長三百六十里量能任功五旬而事竣至是召

大夏入爲戶部右侍郎

按前朝之議自漢迄今紛載史冊可謂周悉但兩水不常亦無定處治之寔無上策唯宋廉謂自禹治水之後無河患者數百年以其自大徑而下比過河也至于大陸舊爲九河入海蓋分流而其勢自平也今河合汴泗東南以入淮使一淮兼受黃河之全欲其不潰溢而汎濫胡可得哉今黃河以比古道所經尚自因循相其地勢漸爲支河以達平原直沿諸處無可設其合流衝決之勢又可以得其漸脫肩岸之弊此方早益之策亦固之而可免矣乃今興修水司之說獨拘于江南而北方則置不一議何也

古城請討安白不計一時古城爲安白侵擾請賜詰問內閣李東陽曰春秋王者不遠夷狄安南雖奉正朔修職貢然恃險負固積歲已久今邊官至其國徒辱其舌小必掩過飾非大或執迷抗命若置而不問損威已多

易漢曰
 漢書西域
 三十六國
 以斷匈奴
 石室書初
 重西光都
 漢府統是
 以於關頭
 勒碑禁固
 續後為吐
 善所陷武
 后長壽元
 年大破
 哥羅取四
 縣置府于
 此後兵
 以漢之即
 今山南境
 所至也

即問罪與師。貽患尤大。宜勿聽。○土魯番酋阿黑麻自
 稱可汗。復入哈密。命巡撫許進。總兵劉寧。副總兵彭清
 帥師討之。○是時西域諸夷皆言。成化間。我入貢。皇
 帝先遣中貴人。迓我河南。至京。宴賜甚夥。今不撫我。我
 泛海萬里。貢獅子。謂我開海道。却不受。即從河西貢者。
 宴賞亦薄。天朝棄絕我。相率從阿黑麻。且拒命中國。能
 奈我何。哈密好國。又附阿黑麻。阿黑麻遂復入哈密。自
 稱可汗。大掠罕東諸夷。謀言。糾夷數萬。用雲梯攻肅州。
 且謀甘州。報至。文升曰。彼虎聲。挾我也。土魯番至哈密。
 十數程。中經黑風川。哈密至苦峪。又數程。皆無水草。貢

以初利
哈密後為
北勝所
而哈密遺
皆寄居
則而此地
為下四城
矣吐
無天方哈
馬等相降
不知神
審通者

皇朝志

卷五

十六

便往返有馱水行使我謹烽火明斥候整兵以俟彼至
肅州我以逸待勞縱兵出奇一戰必使彼匹馬不返已
而阿黑麻西去令頭目牙蘭以二百餘人據哈密文升
曰非用陳湯故事此虜終不畏文升召肅州撫夷指揮
楊春至京撫其背曰汝諸夷情知西域道路朝廷今
欲擒斬牙蘭汝計安出翁曰此賊黑非襲之不可罕東
哈密有提徑可進其兵可不十日至文升曰余欲選罕
東番兵三千為前鋒我兵三千殿後各持數日熟食兼
程襲之何如翁曰善乃令河西巡撫許進調兵食遣副
總兵彭清統精兵三千由南山馳至罕東即調罕東諸

之盛
如匈奴
加市河西
焉延所有
南至六都
亦被吞食
其地北至
回紇南連
六部幅員
萬里乃其
文字職官
亦與中國
類

番兵乘夜倍道襲牙蘭是冬進及總兵劉寧彭清率兵
至肅州久駐關外候罕東兵不至乃出大路乏水草行
不能疾牙蘭謂知遁去我兵入哈密斬首六十得熟馬
妻女獲牛羊三千哈密脅從者八百餘人皆不殺携歸
住四散上師還糧乏士馬亦多物故然西域自是知畏
中國○四月張敷華改陝西巡撫時有妖僧據山中爲
逆朝議且用兵馬文升曰張都御史能了此不數日敷
華授計山中父老果縛妖僧至○命工部侍郎徐貫復
經理蘇松等處水道

先是命貫疏白茅港未就緒至是復命治之貫請以
主事祝萃自隨萃乘小舟往來寃水源相地幾日祝

嘉靖鎮為水之上流蘇松水之下流上流不流無以
開其源下流不流無以導其歸于是分派工程疏濬
吳江長橋一帶茭蘆之地導太湖之水散入葑山楊
城昆承等湖又開吳淞江太石趙屯等港洩葑山楊
水由吳淞以達于海開斜壩七鋪鹽鐵等塘洩楊城
昆承湖水由七干港以達于湖下流疏通不復壅塞
開湖州之漣涇洩西湖天目安吉諸山之水自西南
入于太湖開常州之百瀆洩深陽鎮江練湖之水自
西北入于太湖又開各處斗門以洩運河之水由江
陰以入于大江上流疏通不後漣涇是役也葑功居
多但白茅港疏濬未得深廣數十年後
復壅塞亦以奉使者急于奏復故也。

八月詔設江西巡撫于南贛時汀漳多盜而嶺南關湖
奸民和之肆標掠為東南大患三司議為宜設巡撫
臣置司要地以節制之而割附近稱縣以隸之則政令
一而鄰境有司協心盜易平矣奏上從之○以副都

御史金澤總制江廣湖福軍務撫捕荆襄羣盜

十二月靖虜衛天鼓鳴河南江西大震電先是南京陝西貴州大震禮部并以聞上命南京文武羣臣同加修省直言闕失戶部主事蕪湖胡燿上疏言地震之類災之小者也西北旱熯父子相食東南飢疫骨肉流離大變也陛下深居九重左右蒙蔽未之知耳今李廣楊鵬引用劉良輔等左道惑亂聖心齊庶糜費財用差遣在外如虎橫行吞噬無厭其耗天下不可言矣士大夫昏夜乞哀于權要貴戚交相賄托不以爲耻言官有所舉劾聽前顧後苟且塞責陰盛陽微災異曷由塞

○手乞用臣言則邪伎斥而陰慝消矣疏入人皆爲鑪危
既而廣等果以賍敗○

丙申弘治九年○春會試天下舉人命詹事兼侍講學
士謝遷侍讀學士王鏊爲考試官取陳淵等三百人廷
試賜朱希周王瓚陳淵等進士及第出身有差○擢吏
部左侍郎周經爲戶部尚書時諸王府多奏欲自領河
海所賜稅罷其官經言國體非便且民力不能堪乃止
有中官織造南京奏給長蘆鹽八千引歸于兩淮仍給
淮鹽價銀二萬兩經言鹽筴本以濟遠且各有分地若
今許越境則私販必多官鹽反滯乃命止長蘆鹽勿給

刑部
又加之罪

又有旨取太倉銀兩賑恤其經言不可以小民膏肓供耳目之玩乃命以明年內減歲額補還之○禮部差侍郎徐瓊為禮部尚書○五月妖僧張金客等伏誅

按岑功遊陝西朝邑縣以乘何村木感梨縣官逐之乃往終南山聚徒數十人自稱釋迦佛出世其徒行安行與等各有名號製布帛為旗祭以嬰孩刻皆為二十四諸天大會訪男婦燒香喚以狂藥令自起持舞欲歸則咒虎當路不能去有雷指川者不肯飲藥乘夜逃歸亦不敢首官時行道負薪炭者多被逼脅不從則見殺或支解之懸于樹守臣調兵捕之金客與行與等拒捕死守臣以罪刑部言行與等五人係獄罪應處遲處死上命依律處決以相川知情不首并家屬俱發外充軍守臣捕賊有功下勅發交科臣龐澤等及道臣劉紳等言事俱下獄既而釋之洗

罪貳河州知州劉經教事并岷王王奇奏之逮繫錦衣

補前兩條
法列之
其意大
可憐也

自李東陽
入閣陽中
陳草多出
其筆則功
隨明於
哭者

楊叔澤等奉旨交章論救止震怒併逮繫之有相
史張淳者公差回耻不得與即止疏中救大學士徐溥
等亦力諫言遜情輕譴重言官爲國盡忠而衆以爲罪
後有太利害大闕失誰肯言者上乃釋之○時李璡
諸人以燒煉齋醮被寵大學士徐溥等上疏曰近有以
齊醮燒煉進者此乃異端惑世之術聖王之所必禁
也宋徽宗崇信道流幸使乘輿播遷往復傾覆至哉燒
煉其禍尤慘金石之藥尤多酷烈一以腸胃爲禍再端
唐憲宗聚藥致疾雖杖殺方士柳秘竟亦何益余止清
龍虎宮神樂祖師殿及香經殿皆焚燬無道邪知有靈

何不自保。天厭其祿。亦已明甚。昔李絳有言。憂先于事。可以無憂。事至而憂。無益于事。矧災惑失度。太陽無光。天鳴地震。草木異。四方奏報。殆無虛日。伏望嚴早朝之節。復奏事之規。勤講學之功。優接下之禮。遠邪佞之人。斥誣罔之說。太平之業。可紹矣。

丁亥弘治十年。奉命內閣。汲澣林儒臣纂脩大明會典。上以累朝典制。散見堯出。未會于一。乃勅徐濟等脩之以本朝官職制度爲綱。事物名數儀文等級爲目。類以頒降羣書。附以歷年事例。使官各領其屬。而事皆歸于職。以備十代之制。三月二十一日。經筵罷。命司

聖恩隆

自天順末至今常召內閣不過一二語是召對略長久廟堂格詳真可正都俞之盛

禮太監蕭泰至內閣召徐海劉德李東陽謝遷至文華殿上命司禮監取尋臣奏本付海等上上日與先生等計較海等相與議定以次陳奏上覽畢親批本面批更定一二三字或刪去一二句批畢發出中有山西巡撫官本及禮部諸本皆從容顧問擬議停當然後批降御頭賜茶而退○五月京師風霾各省天鳴地震詔求直言○召前左都御史王越命總制陝西三邊軍務經略哈密先是越奏稱肅路安陞至是起用之舉兵機勇新首百餘級寄還新掠人畜甚衆○八月以孔鏞為漣州都御史巡撫貴州州州縣者清平衛所部苗也本江西人

漂蕩至彼，桀驁多智，數人爲寨主，雉視諸苗，有養子阿刺，膂力絕倫，能披三重甲，持二丈鎗，兩端著力，迴數百戶與敵，刺以鎗點地，躍而起，輒三五丈，飛行砌人之上，以戰。若一二丈，川澗跨越之，如滿漚耳。二人謀勇相挾，由是橫門夷落，推爲渠魁。觀諸酋之附近而稍弱者，歲以畜產分給，而倍征其人。旣得苗夷之利，又謀誦我之商民，經其地者，輒誘他苗，會邀劫掠。官差健步往探訪，健步必謁溪請計。溪乃要我重賄，期爲勦之。健步歸報官司，從之。溪乃以素不能服之苗，遠而悍者，指爲賊黨。官軍往繫捕，于是遠苗畏憚，亦服從之。其後與我官司

益狎我凡有事就令訪處不復開備之矣三堂之寒嚴者皆有歲賂溪益負恃爲惡滋甚每交証官苗使爭聞以收鵝蚌之利歲輒數次其志小則規爲上官大尤未可知也以是清平一境官苗交受其害歲無寧居孔鑄爲都憲受命鎮迤賓州初至尙未知之往往見報某地被賊劫殺官兵某地劫殺民商鑄問何以處之上下皆謂須屬之阿溪當治鑄言清平爲指揮使司諸土官宜懋等乃命官皆貴且衆何以不能治軍更借一寨至力羈縻之徒耶心固疑之漸詢諸人人以溪凶橫且私于監軍總帥言之恐無益得禍多不吐語鑄亟咨轉力乃

得前扇亂諸狀謀欲除之因佯扣監軍總帥等皆迴護
之鑄益信其私黨知不可與共事且務決去之乃欲親
自往清平衆沮之鑄不聽獨至清平復訪求部曲之良
有指揮王通素才而端方稱疾不蒞事鑄召而禮之因
廣扣時事適有言而不及溪鑄曰吾聞此中事惟阿溪
大且要爾乃不言何也通不答往復數次竟默然鑄曰
吾所以異待而以爲解辦大事非輩行等今爾何以辭
我通曰言之而公事日辦則一方受福而愚亦有益否
則公獨已耳吾家亦赤乃當應何鑄笑言何用不克通
始慷慨許諾陳列根枝鑄問溪所任何人何以能通吾

上官通曰彼獨籍王指揮陳總旗二人公必先得此
人心力乃可濟。鏞曰吾自能之。通謝去。鏞候旬朔。郡將
校參揖時。號于衆曰。今急缺一處捕官。若輩悉向前。吾
自擇之。乃徑指王曰。可矣。獨留之。衆出。王前。鏞謂之曰。
汝何以與賊通。王驚。諱之。鏞曰。阿溪歲賂三堂。誰之通。
我已備知。而尚諱耶。王悚。俱不敢言。鏞曰。吾今貴汝。罪
推心用汝。必取。溪自贖。仍被濃賞。或或或假。則重辟不
免。汝矣。王即頭曰。信如公言。然阿刺之征。雖欲擒之。不
可得。奈何。鏞曰。然則專遂已乎。王曰。當更得一年。少多
謀者。同事乃可。濟。鏞問誰。王曰。無如陳總旗。鏞曰。誰者。

今授汝微令。舉謀勇之士。帥所部而來。有事指揮。汝則徑入陳。與俱來。王受令去。少頃。偕陳入。見。鑄初聞之。亦若問王者。陳諱駭。亦若王。屢顧王。王曰。勿諱。爲吾與若事。公已悉知之。第當用力。以報公。陳亦言其難狀。鑄曰。爾等第誘之出。乃計。令日一人牽牛在野。陳入。舉訪誘。令出觀。而隨。遣王率勁卒。伏於所伺。出。擒之。且刻其期。遣他兵來援。又預檄近溪各寨。及期。各以部兵同集。助之謀定。陳受教去。見。溪曰。何久不來。陳曰。新都堂至。故不能來。見老王。溪曰。都堂何如。曰。無能爲耳。溪曰。聞在廣解。捉賊何謂無能。陳曰。同姓耳。非其人也。溪曰。略之。

荆湘陳田婦徐徐何以遽舍重貨溪留陳食縱談曠及
半事陳曰適見道中牛來審較老王家牛何以然亦大
矣優劣未可決也溪曰寧有是乎審爾我當攷之陳曰
牛人非商販似不可致入寨溪曰我去觀之陳焦躁頗
必自行溪奮曰必去必去因顧刺令俱陳必激怒以新
都堂在上王豈敢去乎刺怒曰何都堂能拒何刺是耶
因都座以雞卜不吉溪言吾夜夢犬網恐不利出曉則
身網得魚牛必屬王矣溪刺乃與陳刺亦即俱起三時
聯而出至其地視牛駟爾溪語藥命酒飲忽報獲無官
至陳曰王知之乎王指押也蓋往訪老漢曰何德德爾

陳曰、豈有新官、遽下訪人乎、因勸令往、又說令去所佩
刀曰、新武職官、見刀以爲不利、是求好反惡也、漢乃去
之、旣往、見王留坐、因戲謂漢、刺新上司、按臨至境、何不
夙迎、待此來、何爲、漢刺猶謂故戲、漫言拒之、王怒曰、戲
乎、吾豈不能就汝、漢刺猶笑傲、王呼伏出、數百人往擒
刺、刺徒手持傷數十人、竟就擒、并漢繫之時、援兵至、正
無失期、諸寨兵亦集、共圍之、鎗又夙造二檻車、隨王令
一得漢刺、卽囚之、徑至貴州、無經清平、恐其黨劫之也、
于是一如鑄命解至三司鞠之、論死、鑄臨問、無一語解、
申頭請死、刺語人曰、吾不畏千萬人、獨畏一孔公耳、

亦不知其擒我。若此易也。中官猶爲解救。猶言吾不究。若事猶能解乎。漢刺死。漢有二子。寬都勻。鑄又勅都勻。官司徑擒之。悉殛焉。

十一月火節冠大同宣府。命侍郎許進督軍。侍郎劉大夏轉餉禦之。是年虜火節。張希諸部落迭寇大同。宣府。歸止人言。虜謀深入。乃勅侍郎許進督軍。劉大夏轉餉禦之。大夏受命。瀕行。尚書周經謂曰。北邊糧草半屬京中。貴人子經營。公素不與此輩合。此行恐不免。爾以取禍。大夏曰。處天下事。以理不以勢。定天下事。在近不在遠。侯至彼。圖之。既至。召邊上父老。旦夕講究。遂得其

難行之
小而便國
便民無貽
于北

要領一日揭榜通衢云某倉缺糧幾千石每石給官價若干封圻內外官民客商之家但願告報者米自十石以上草自百束以上俱准告雖中貴子弟不禁也不兩月倉場蓄積有餘蓋往時糴買法有米告糧百千石草千萬束者方准以致中貴子弟各爭相爲市乃轉買邊上軍民糧草陸續運至山。大夏此法立有糧草之家皆自往告報中貴人家即欲收糴無處得買遂爲遺儲之長利云○大同官府謀報勝犯邊命中官武臣練京管兵以待以兵部左侍郎李介兼僉都御史提督軍務介等至邊虜已引去○湖廣左布政使兼廣東按察副使

撫治兩廣地方陶魯卒

廣西桂林人。以舉人進知縣。三遷而為按察使。平陽江賊。置思平縣。平新寧。白水賊。置新寧縣。復平廣西。清江。屬清江府。用諸賊擒斬。共殺萬餘。皆親冒矢石。前後身被數十傷。奉勅撫治兩廣。數殺賊寇。民因捕為二。廣公云。滿功。處魯子錦衣衛世襲副千戶。戊午弘治十一年正月。上御文臺。召輔臣徐溥謝

遷李東陽議政事。○二月。皇太子出閣講學。兵部尚

書馬文升上言

皇太子國之儲貳。天下根本。宜擇老

成純厚之士。以資啓沃。不宜雜以浮浪之流。恐或損虧

盛德。上嘉納之。○三月。少師太學士徐溥以老疾乞

致仕。尋卒。贈柱國太師。諡文穆。

清立朝最久。因事納譴。遭才謫。使屢遇大獄。保全善類。時劉吉恣威福。張弘恣。薄一以安。辭誠信。委曲從容。行政惟其是用。人惟其賢。時稱其休休有大臣之度。

下監生江瑤于獄。尋釋之。瑤奏劉健李東陽杜絕言路。掩蔽聰明。○妬賢嫉能。排抑勝已。急空斥還健東陽疏言。近日兩京科道。指陳時弊。并劾奔競交結。乞恩傳奉等官。雖末盡愆。數多可採。而乃漫無可否。槩下施行。自祖宗朝至今。未有此事。若臣等因循將順。苟避嫌。顧不能力贊乾剛。俯從輿論。則自忠邪明正。賞罰以致人心惶惑。物議沸騰。草野之下。其言乃至于此。乞罷上。不許下。瑤亦欲繼等又上疏力救。瑤得釋。

夏六月有熊入京師西直門是夏京師西直門熊入城
守衛者不知覺有被傷者大司馬馬文升謂野獸入城
非宜既參問守衛者因乞嚴武事以備盜賊何孟春謂
同列曰熊之爲兆既當備盜亦須慎火同列莫曉未幾
城內○在處有火災○禮部贖焉○或問孟春此于古出何書
春曰余不曉古書○曾記宋人記紹興己酉永嘉前數日
有熊自南渡至城下○州守高世則謂其卒趙尤稱曰熊
于字能火郡中○宜慎火○燭果延燒官民舍十七八○余憶
此事而云耳不意其亦驗也○復封陝巴爲哈密忠順
王○是年越出河西取陝巴至甘州令哈密三裡都督

回回窩亦虎仙畏兀兒奄克孛剌哈刺仄拜迭力迷失
于陝巴奄克孛剌罕慎弟也恨土魯番亦與陝巴不合
罕慎女也先主刺妻陝巴以結好于奄克孛剌未
幾卒是秋賜陝巴大帽蟒衣玉帶象笏後封爲忠順
王故窩亦滿遜兒等西歸時哈密三種人从苦土魯番
不願還馬文升請許半留肅州往來自便

冬十月乾清坤寧宮災詔求直言○太學士劉健李東
陽謝遷各乞罷以應災變不允遷復舉學士吳寬王鏊
自代亦不許○太監李廣有罪自殺廣以左道見寵在
權傾中外大臣多賄求之時建範秀亭于萬歲山上既

成適一小公主患痘，衆醫莫效。廣飲以符水，遂殤。官中歸咎于廣，未幾清寧官災有建寧年月不利犯坐殺向太歲故有此災。太皇太后怒曰：「今日李廣與工勳主致此災禍，累朝所積一旦灰燼。」廣懼，欲趨死。上意其所藏必有奇方秘書，卽命內侍搜索，奉命者遂封其家宅，搜得一帙，納賄簿籍，首進之。簿中載某送黃米幾百石，白米幾千石，通計數百萬石。上因詢左右曰：「廣所食幾何？」乃受計多米，對曰：「黃米卽金，白米卽銀。」始悟廣跡濫如此。科道請出簿籍按名究問，凡預名者惶恐，危甚。星夜各赴戚畹，壽寧侯求救。月下符影重重不期。

而會者十二人。事雖得寢。而納賄之姓名一一盡傳于朝野矣。

十二月、總制三邊軍務左都御史王越卒。謚襄敏。

越濟縣人。慷慨善用兵。凡邊境險易。虜情。直備將上。強弱盡知。尤能識拔名將。但多機變。結權與援。上論之。